



საქართველოს გარემოს დაცვისა და სოფლის გაუკრების მინისტრი

ბრძანება N 2-41

12/01/2021

ქ. თბილისი

ქ. თბილისში, უნივერსიტეტის ქუჩაზე შპს „ნეოგაზის“ ბუნებრივი აირის საცავის
რეკონსტრუქცია-რეაბილიტაციასა და ექსპლუატაციაზე გარემოსდაცვითი
გადაწყვეტილების გაცემის შესახებ

2020 წლის 2 დეკემბერს სამინისტროს მომართა შპს „ნეოგაზის“ დირექტორმა და ითხოვა
გარემოსდაცვითი გადაწყვეტილების მიღება.

2010 წელს საქართველოს გარემოს დაცვისა და ბუნებრივი რესურსების სამინისტროს
მიერ ქ. თბილისში, უნივერსიტეტის ქუჩაზე შპს „საქართველოს საერთაშორისო
ენერგეტიკული კორპორაციის“ ბუნებრივის აირის საცავის რეკონსტრუქცია-
რეაბილიტაციაზე გაიცა №12 (19.03.2010) ეკოლოგიური ექსპერტის დასკვნა და
გარემოზე ზემოქმედების ნებართვა.

2014 წელს კომპანიების ერთობლივი მომართვის საფუძველზე შპს „საქართველოს
საერთაშორისო ენერგეტიკულ კორპორაციაზე“ გაცემული ნებართვა გადაეცა შპს „სი-ენ-
ჯის“. ხოლო 2015 წელს, კომპანიის სახელწოდების შეცვლის შედეგად ზემოაღნიშნული
ნებართვა გაიცა შპს „ნეოგაზის“.

„გარემოსდაცვითი შეფასების კოდექსის“ 48-ე მუხლის მე-4 ნაწილის თანახმად, პირი,
რომელზეც 2018 წლის 1 იანვრამდე გზშ-ის სფეროში გაცემულია შესაბამისი აღმჭურველი
ადმინისტრაციულ-სამართლებრივი აქტი, ვალდებულია 2021 წლის 1 იანვრამდე,
განცხადების საფუძველზე მოითხოვოს გარემოსდაცვითი გადაწყვეტილების გაცემა.
სამინისტრო აღნიშნული აღმჭურველი ადმინისტრაციულ-სამართლებრივი აქტის
საფუძველზე, ამ კოდექსით გარემოსდაცვითი გადაწყვეტილების გაცემისთვის
განსაზღვრული პროცედურების გარეშე, მარტივი ადმინისტრაციული წარმოების წესით
გასცემს გარემოსდაცვით გადაწყვეტილებას.

აღნიშნულის გათვალისწინებით მომზადდა მინისტრის ბრძანების პროექტი, რომლის
შესაბამისად, გარემოსდაცვითი გადაწყვეტილება გაიცემა 2010 წლის №12 ეკოლოგიური
ექსპერტის დასკვნის საფუძველზე და საქმიანობის განმახორციელებელს დაეკისრება
ვალდებულება, უზრუნველყოს გარემოსდაცვითი გადაწყვეტილებით განსაზღვრული
პირობების შესრულება.

ამასთან, „შპს „საქართველოს საერთაშორისო ენერგეტიკული კორპორაცია“-ზე გარემოზე
ზემოქმედების ნებართვის გაცემის შესახებ“ საქართველოს გარემოს დაცვისა და
ბუნებრივი რესურსების მინისტრის 2010 წლის 21 მაისის №ი-238 ბრძანებასა და
თანდართულ ეკოლოგიურ ექსპერტის დასკვნაში დაშვებულია ტექნიკური ხარვეზი,

კერძოდ ეკოლოგიური ექსპერტიზის დასკვნის ნომრად, ნაცვლად „12“-ისა მითითებულია „11“. შესაბამისად აღნიშნული საჭიროებს ჩასწორებას.

ამავდროულად ძალადაკარგულად ცხადდება „შპს „საქართველოს საერთაშორისო ენერგეტიკული კორპორაცია“-ზე გარემოზე ზემოქმედების ნებართვის გაცემის შესახებ“ საქართველოს გარემოს დაცვისა და ბუნებრივი რესურსების მინისტრის 2010 წლის 21 მაისის №ი-238 ბრძანება, თუმცა აღნიშნული გარემოსდაცვითი გადაწყვეტილებით იურიდიულ ძალას ინარჩუნებს 2010 წლის №11 ეკოლოგიური ექსპერტიზის დასკვნა, რომელიც დანართის სახით თან დაერთვება მოცემულ გადაწყვეტილებას.

ზემოაღნიშნული გარემოებებისა და „გარემოსდაცვითი შეფასების კოდექსის“ 48-ე მუხლის მე-4 ნაწილის საფუძველზე,

ვ ბ რ მ ა ნ ე ბ:

- ქ. თბილისში, უნივერსიტეტის ქუჩაზე შპს „ნეოგაზის“ ბუნებრივი აირის საცავის რეკონსტრუქცია-რეაბილიტაციასა და ექსპლუატაციაზე გაიცეს გარემოსდაცვითი გადაწყვეტილება თანდართული ეკოლოგიური ექსპერტიზის დასკვნის საფუძველზე (დასკვნა №11; 19.03.2010);
- გარემოსდაცვითი გადაწყვეტილების მფლობელი ვალდებულია დაიცვას თანდართული ეკოლოგიური ექსპერტიზის დასკვნის პირობები;
- ამ ბრძანების პირველი პუნქტით გათვალისწინებული გარემოსდაცვითი გადაწყვეტილება გაიცეს განუსაზღვრელი ვადით;
- ძალადაკარგულად გამოცხადდეს „შპს „საქართველოს საერთაშორისო ენერგეტიკული კორპორაცია“-ზე გარემოზე ზემოქმედების ნებართვის გაცემის შესახებ“ საქართველოს გარემოს დაცვისა და ბუნებრივი რესურსების მინისტრის 2010 წლის 21 მაისის №ი-238 ბრძანება;
- გარემოსდაცვითი გადაწყვეტილების სხვა პირზე გადაცემის შემთხვევაში გარემოსდაცვითი გადაწყვეტილების გადაცემა განხორციელდეს „გარემოსდაცვითი შეფასების კოდექსით“ დადგენილი წესით;
- ბრძანება დაუყოვნებლივ გაეგზავნოს შპს „ნეოგაზს“;
- ბრძანება ძალაში შევიდეს შპს „ნეოგაზის“ მიერ ამ ბრძანების გაცნობისთანავე;
- ბრძანების გაცემიდან 5 დღის ვადაში აღნიშნული ბრძანება განთავსდეს სამინისტროს ოფიციალურ ვებგვერდზე;
- ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი

მინისტრი